



故宮珍本叢刊

學海君道部

第五冊 共九冊

故宮博物院編 海南出版社

故宮珍本叢刊第 496 冊子部雜家類

故宮博物院編

學海君道部

第五冊（共九冊）

海南出版社

圖書在版編目(CIP)數據

故宮珍本叢刊.第 492~500 冊,子部.類書/故宮博物院編.-影印本.-海口:海南出版社,
2000.12

本輯包括:學海君道部/(明)饒伸輯

ISBN 7-80645-874-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75627 號

故宮珍本叢刊第 496 冊

子部·類書

學海君道部

第五冊(共九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:25 印數:1-400 冊

ISBN 7-80645-874-3/Z·41

定價:5240 元(子部類書 33 種共 33 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

學海君道部卷之二百三

世系類

四夷種族 五

西戎篇 一

通典曰西羌本出三苗蓋姜姓也其國近衡山及舜徙之三危漢金城之西南羌地是也濱於賜支至於河首縣地千里南接蜀漢徼外蠻夷西北鄰善師諸國所居無常依隨水草地少五穀產牧爲業其俗氏族無定或以父名母姓爲種號妻後母納養嫂如北狄之俗故國無繇寡種類繁熾在古不立君臣無相長一強則分種爲酋豪弱則爲人附落更相抄掠以力爲雄殺人償命無他禁令其兵長在山谷短於平地不能持久而果於觸突以戰必爲

四夷種族

卷五

一

吉利病終爲不祥甚耐寒苦同之禽獸昔夏啓之子太康失國四夷背叛及后相立乃征吠夷七年然後來賓至于后泄始加爵命由是服從后桀之亂吠夷入居郃岐之間成湯既興伐而攘之及殷室中衰諸戎背叛至于武丁征西戎鬼方凡之及武乙暴虐大戎寇邊周公踰梁山而避于岐下及王季遂伐西落鬼戎自是之後更伐始呼駢徒之戎皆克之及武王伐商羗羗率師會于牧野至穆王時戎狄不貢王乃西征犬戎獲其五王遂遷戎于太原夷王衰弱及宣王立召秦莊公與兵伐破之其後侵盜不已至幽王昏虐西戎寇周殺幽王於酈山周乃東遷洛邑及平王之末周遂陵遲戎逼諸夏自隴山以東及乎伊洛往往有戎於是渭首有狄獮邽羗之戎涇北有義渠之戎洛川有大荔之戎渭南有驪戎

伊洛間有揚柁泉臯之戎潁洛以西有蠻氏之戎間在中國與諸

夏盟會後晉滅驪戎是時伊洛戎強東侵曹魯襄王時秦晉自瓜州遷陸渾之戎于伊川允姓之戎遷于渭汭東至轅轅在河南山北者號曰陰戎秦穆公得戎人由余遂霸西戎開地千里及晉悼公又使魏絳和諸戎復修霸業其後陰戎之種遂以滋廣與晉伐周後陸渾戎叛晉晉荀吳滅之後楚執蠻氏而盡囚其人至周貞王八年秦厲公滅大荔取其地趙亦滅北戎韓魏後侵伊洛陰戎滅之其遺脫者皆走西踰汧隴自是中國無戎寇唯餘義渠種焉最爲強盛屢爲秦患及昭王起兵滅之始置隴西北地上郡焉始皇兵務東向故得繁息秦平天下蒙恬西逐諸羌出塞漢初尚微弱景帝時研種末徙于狄道安故武帝又西逐渡河湟初開河西

四夷種族

卷五

二

置四郡其後先零種圍枹罕漢兵擊平之始置護羌校尉至宣帝代又寇金城趙克國立屯田且討且招降者三萬餘人置金城屬國以處之自後賓服後漢光武建武中初寇金城馬援討破降之徙七千口於三輔和帝後又反叛豪漢稱天子南入益州東犯趙魏寇及雍城十餘年然後破散順帝永和中又叛漢將馬賢戰破後段熲窮討及靈帝末方始平兮自光武以後匈奴少事唯西羌屢梗焉魏晉三代時亂開隴不至大傷害永嘉以後吐谷渾興焉本遼東鮮卑晉時數百戶西附於陰山屬晉亂遂吞并諸羌而有其地至其孫葉延遂爲強國後魏末其主夸呂自號可汗建官多效中國洎隋煬帝遣觀王雄大破之其主伏允遠避收其地列置郡縣鎮戍後轉衰弱大唐初吐蕃始興焉其帥後魏末自臨松

郡丞故有主有贊府之號高宗時遂滅吐谷渾盡有其地將軍薛仁貴等大敗於大非川儀鳳中工部尚書劉審禮又率兵十八萬敗歿於青海調露中中書令李敬玄又大敗於大非川武太后如意初王孝傑方大破之始復龜茲等鎮萬歲通天初又寇梁州都督許欽明戰歿因贊府殺其名將諸欽陵之後累破敗遂劣於曩時矣

氏羌章

氏

通典曰氏者西戎之別種在冉駹東北今通化郡地之東北廣漢之西今梓潼縣

寧德陽郡治之北也君長數十而白馬最大漢武帝元鼎六年開分廣漢西部合爲武都郡今同谷郡排其種人分竄山谷或在山祿今同谷郡或

四夷種族

卷五

三

在汧隴左右

今天水汧陽郡地

其種非一或號青氏或號白氏或稱婢氏

此蓋中國人卽其服色而名之也土地險阻有麻田出漆蜜銅鐵椒蠟氏人勇悍抵冒貪貨夙利居於河池一名仇池方百頃四面

斗絕

仇池山在今同谷郡上祿縣

數爲邊寇郡縣討之則依固自守其俗語不

與中國及羌胡同各自有姓如中國之姓其衣服尚青俗能織布善田種畜羊豕牛馬驢騾婚姻備六禮知書疏多知中國語由與

中國錯居故也元封三年氏人反遣兵討破之分徙酒泉郡昭帝

元鳳初氏人復叛遣大鴻臚田廣明將三輔太常徒討破之至後漢初氏人悉附隴蜀及隗囂滅其酋豪乃背公孫述降漢隴西太

守馬援上復其王侯君長賜以印綬後囂族人隗茂反攻殺武都

太守氏人豪齊鍾留爲種類所敬信威服諸豪與郡丞孔奮擊茂

破斬之其後亦時寇盜郡縣不足爲大患魏武之初諸氏戎或叛或伏乃令夏侯妙才討之因徙武都之鍾於秦川以禦蜀晉時關隴屢爲氏羌所擾孟觀西討因擒氏帥齊萬年華陰令江統深惟四夷亂華宜杜其萌乃作徙戎論云詳政典未及十年而夷狄亂華時人服其深識於是戎狄迭處中原其爲戰國者百三十六載而劉淵爲之禍首初後漢建安中氏酋楊勝爲部落大帥勝子駒始據仇池其後漸強盛至晉宋南北朝間累世稱王焉詳晉永嘉國之亂氏酋苻洪起隴山稱秦王其子健遂取長安僭號詳隋

湟中月氏胡

通典曰湟中月氏胡其先大月氏之別也氏音在張掖酒泉地爲匈奴冒頓冒音所殺餘種分散西踰葱嶺其羸弱者南入山阻依

四夷種族

卷五

四

諸羌居止漢將霍去病破匈奴取西河地開湟中今西平郡地於是月

氏來降與漢人錯居雖依附縣官而首施兩端言首施猶言首鼠其從漢兵戰關隨執強弱被服飲食言語略與羌同亦以父名母姓爲種其

大種有七勝兵合九千餘人分在湟中及令居又數百戶在張掖

號曰義從胡後漢靈帝中平初與北宮伯玉等殺護羌校尉令徵等遂寇亂隴右焉

葱北羌

通典曰燉煌西西域之南山中從嬌羌嬌而西至葱嶺數千里有月氏餘種葱北紫首羌白馬黃羊羌各有酋豪北與諸國接不知其

道里廣狹傳聞黃羊羌種類孕身六月生南與白馬羌鄰並魏時聞焉

羗無弋

通考曰羗無弋爰劍者秦厲公時為秦所拘執以為奴隸不知爰劍何戎之別也後得亡歸而秦人追之急藏於岩穴中得免羗人云爰劍初藏穴中秦人焚之有景象如虎為其殺火得以不斂既出又與劍女遇於野遂成夫婦女耻其狀被髮覆面羗人因以為俗遂俱入三河間諸羗人見爰劍被焚不為怪其神共畏事之推以為蒙河湟間少五穀多禽獸以射獵為事爰劍教之田畜遂見故信盧落種人依之者日益眾羗人謂奴為無弋以爰劍嘗為奴隸故因名之其後世世為豪至爰劍曾孫忍時秦獻公初立欲復穆公之迹兵臨渭首滅狄獯戎獯音九忍季父印畏秦之威將其眾種人附落而南出賜支河禹貢所謂折支也曲西數千里與眾羗絕遠

四夷種族

卷五

五

不復交通其後子孫分別各自為種任隨所之或為羗牛種越羗羗是也或為白馬種廣漢羗是也或為參狼種武都羗是也忍及弟舞獨留湟中並多娶妻婦忍生九子為九種舞生十七子為十七種羗之興盛從此起矣及忍子研立時秦孝公雄強威服羗戎孝公使太子駟率戎狄九十二國朝周顯王研至豪健故羗中號其後為研種及秦始皇務并六國以諸侯為事兵不西行故種人得以繁息

秦既兼天下使蒙恬將兵略地西逐諸戎北却眾狄築長城以界之至漢景帝時研種留河率種人求守隴西塞於是徙留河等於狄道安故至臨洮氏道羗道並隴西金城臨洮等郡及武帝征伐四夷又西逐諸羗及渡河湟築令居塞在西平郡西北初開河西列置四郡酒泉武威張掖

一版 通道玉門隔絕羗胡於是障塞亭燧出長城外數千里時先零

羗與封卷牢姐種解仇結盟姐音紫與匈奴通合兵十餘萬共攻令

居安故地在金城遂圍枹罕漢遣將軍李息將兵討平之始置護羗校

尉統領焉羗乃去湟中依西海鹽池之左右酒泉郡之北千餘里漢遂因

山為塞河西地空稍徙人以實之至宣帝時諸羗又相與解贄寇

攻金城帝遣後將軍趙充國將兵討之充國欲以屯田於臨羗東

至浩亶浩亶縣即金城郡廣武縣地浩亶音門臨羗縣人西平郡界務威信招降罕开及却

掠者解散虜謀乃擊之開音時已發諸郡兵六萬人酒泉太守辛

武賢奏言請即擊之天子下書令充國傳議往返者三四遂兩從

其志武賢出擊羗降破數千人詔罷兵獨克國留屯田明年五月

克國奏言羗本可五萬人軍凡斬首七千六百級降者三萬二千

四夷種族

卷五

六

二百人溺湟饑餓者五六千人定計遺脫與煎鞮黃羗並各是羗種俱

亡者不過四千人初置金城屬國以處降羗從爰劍種五世至研

研最豪健自後以研為種號十三世至燒當復豪健其子孫更以

燒當為種號自元帝以後數十年四夷賓伏邊塞無事至王莽末

豪滇良內侵燒當及後漢初遂寇金城隴西司徒掾班彪上言今

凉州郡郡時凉州郡除三輔外安定平涼郡之西天水隴西諸郡悉屬焉皆有降羗被髮左衽而

與漢人雜處習俗既異言語不通數為小吏黠人所見侵奪窮患

無聊故致反叛夫蠻夷寇亂皆為此也請依舊制益州郡漢川巴

益州置蠻夷騎都尉幽州部范陽上谷安邊及漁陽郡置領烏桓校尉

凉州部置護羗校尉皆持節領護理其怨結歲時循行問其疾苦

又數遣使驛通導動靜使塞外羗夷為吏耳目州部因此可得儆

備今宜復如舊以明威防光武從之即以牛那為護羌校尉及郡卒而職省 建武十一年先零種臨洮隴西太守馬援破降之後徙置天水隴西扶風三郡自燒當至滇良世居河北大允谷後徙大小榆中榆中在金城西平郡之南由是始強至於子滇吾永平初漢遣中郎將竇固等擊破降之徙七千口置三輔而滇吾諸弟迷吾等數為寇盜章帝時馬防等討破之於臨洮索西迷吾等悉降防乃築索西城在和政郡界是自後或降或叛少有寧歲和帝時迷吾子唐復將兵向塞金城守侯霸及諸郡率兵破之羌眾折傷種人瓦解迷吾遂孤弱不滿千人遠踰賜支河首即折支河依發羌居明年安定降羌燒何種脇諸種數百人反叛郡兵擊滅之時西海及大小榆左右無復羌寇隴巖相曹鳳上言隴巖縣名在河陽郡界隴音命西戎為害前世所患臣

四夷種族

卷五

七

且以近事言之自建武以來其犯法者常從燒當種起所以然者以其居大小榆土地肥美又近塞內諸種易以為非難以攻伐南得種存種存別種羌以廣其眾北阻大河因為固又有西海魚鹽之利緣山濱水以廣田畜故能強大常雄諸種恃其權勇招誘諸胡今者衰困黨援壞沮親屬離叛餘勝兵者不過數百流亡逃竄遠依發羌臣愚以為宜及此時建復西海郡縣漢武遂諸羌置西海郡酒泉郡北千二百里欲復立之規固二榆廣設屯田隔塞羌胡交關之路遏絕狂狡窺欲之源又殖穀富邊省委輸之役國家可以無一方之憂於是拜鳳為金城西部都尉將徙徙出屯龍耆龍耆即龍支西平郡縣後金城長史上官鴻開置歸義建威屯田二十七部侯霸復上置東西邯屯田五部邯水名也分流左右在寧塞郡增逢留二部帝皆從之列屯夾河合四十部其

功垂立至永初中諸郡羌叛乃罷唐失眾病必有一子來降戶不滿數十滇吾曾孫麻奴初隨父東號降居安定時諸降羌布在郡縣皆為吏人豪右所役積 滿愁怨安帝永初九年麻奴兄弟因此遂與種人俱西出塞先零別種歸湟漢零與種羌大為寇掠湟奴征西校尉任尚率諸郡兵與滇零等戰於平襄地在天水尚軍大敗於是滇零自稱天子於北地招集武帝參狼上郡西河銀川諸雜種眾遂大盛東犯趙魏南入益州遂寇鈔三輔斷隴道湟中諸縣粟石萬錢百姓从从不可勝數諸郡也兵救之三輔即京北扶風馬翊也眾羌乘勝漢兵數挫當煎勒姐種攻沒破羌西平郡界鐘羌又沒臨洮軍營久出無功有廢農桑乃詔任尚將吏兵還屯長安置京兆虎牙都尉於長安扶風都尉於雍如西京三輔

四夷種族

卷五

八

故事至 四年大將軍鄧騭議欲棄涼州虞詡曰不可今羌所以不敢入據三輔為心腹之害者以涼州在後故也其土人所以推鋒無反顧之心者為臣屬於漢故也若棄其境域徙其人眾安土重遷必生異志如使雄豪相聚席卷而東雖虎賁為卒白起太公為將亦恐不足禦當今之計者宜令四府九卿各辟彼州數人其牧守令長子弟皆除為冗官外以勸勵答其功勤內以拘致防其邪計誠能如此則可無患於是四府皆從詡議時漢中太守鄭勤戰歿羌勢轉盛遂徙金城郡居襄武羌眾入寇河東至河內百姓相驚多南奔渡河使北軍中侯朱寵將五營士屯孟津詔親郡趙國常山中山繕作塢堠六百一十六所羌既轉盛而二千石令長多內郡人並無守戰意皆爭上徙郡縣以避寇難朝廷從之遂移

陸西侯奏武安定徙美陽漢美陽縣屬右扶風上郡徙衙漢上郡縣地在上郡龍泉縣漢衙縣屬左馮翊地是白水縣百姓戀土不樂去舊遂乃刈其禾稼發

撤室屋夷營壁破積聚時連旱蝗饑荒而驅賊劫掠流離分散隨道次以咸棄捐老弱或爲人僕妾喪其大半漢零必于零昌立元

初元年遣兵屯河內通谷衝要三十三所皆爲塙壁設鳴鼓震冒進兵寇雍城遣任尚爲中郎將將羽林緹騎五營于弟屯三輔尚

行懷令虞詡說尚曰使君頻奉國命討逐寇賊三州屯兵二十餘萬人棄農桑疲苦從役未有功効勞費日滋若此出不尅誠爲使

君危之尚曰憂惶久矣詡曰兵法弱不攻強走不逐飛自然之勢也今虜皆馬騎日行數百來如風雨去如絕弦以步追之勢不相

及所以曠日無功也爲使君計者莫若罷諸郡兵今出錢數千二

四東種族

卷五

九

十人共市一馬如此可拾甲冑馳輕兵以萬騎之衆逐數千人之虜首尾掩截其道自窮使人利事大功立矣尚卽上言用其計乃遣輕騎鈔擊斬首數百級明年秋漢又築馮翊北界候塙五百所自後頻破之諸羌瓦解三輔益州無復寇警自羌叛十餘年間兵連師老不整靈息軍旅之費轉運委輸用二百四十餘億府帑空竭延及內郡邊人少者不可勝數并涼二州遂至虛耗自後隴西上郡武威張掖仍寇盜不息順帝永建四年尚書僕射虞詡上疏曰臣聞禹貢雍州之域厥田惟上上且沃野千里穀稼殷積又有龜茲鹽池以爲人利漢上郡龜茲縣有鹽池水草豐美土宜產牧北阻山河乘阨據險因渠以溉水春河漕水春卽水淮也河漕通船運也用功省少而軍糧饒足故孝武皇帝及光武築朔方關西河置上郡皆爲

此也而元元被災衆羌內潰郡縣兵荒二十餘年夫垂沃壤之德捐自然之財不可謂利離山河之阻守無險之處難以爲固今三

郡未復前因寇寇徙隴西安定北地上郡四郡之人今言復三郡者當爲隴西理襄武捍救京師尚遠不要更移三郡復本園陵單外園陵謂長安諸陵園也而公卿客頭過身但計所費

不圖其安宜開聖聽考行所長書奏帝乃復三郡使謁者郭瓚督促徙者各歸舊縣繕城郭置候驛旣而激河浚渠爲屯田省內郡

費歲一億計遂今安定北地上郡及隴西金城常儲穀粟今周數年至陽嘉元年以湟中地廣更增置屯田五部并前爲十部二

年復置隴西西南部都尉如舊制永和中以來機爲并州刺史劉乘爲涼州刺史大將軍梁商謂機等曰戎狄荒服言其荒忽無常而

統領之道亦無常法臨事制宜略依其俗今三君素性嫉惡欲分

四東種族

卷五

十

明白黑孔子曰人而不仁族之已甚亂也況戎狄乎其務安羌胡防其大故恐其小過機等天性苛刻遂不能從到州之日多所擾發五年夏且東傳難種羌等遂反叛金城與西塞及湟中雜種羌大寇三輔於是拜馬賢爲征西將軍將左右羽林五校士及諸州郡兵十萬人討之又於扶風漢陽隴道作塙壁三百所置色田以保聚百姓賢軍大敗賢及二千皆戰沒於是東西羌遂大會肇唐種三千餘騎寇隴西北地又燒圍陵掠關中殺傷長史武威太守趙冲追擊冲雖戰沒而前後多所斬獲羌由是衰耗自永和羌叛十餘年間費用八十餘億諸將多斷盜牟廩私自潤入年價皆以珍寶貨賂左右上下放縱不恤軍事士卒不得其外者自骨相望於野桓帝延熹二年燒當八種寇隴右以段熲爲校尉將兵

四東種族

卷五

十二

及渾中義從寇二千人擊破之追討南渡河募先發懸索相引刀折矢盡且關具行晝夜相攻割肉食雪三十餘日遂至河首種石山山在西平安鄉郡界出塞二千餘里前後斬首虜并受降各萬餘人會段熲坐事徵羌遂陸梁覆沒營塢寇患轉盛中郎將皇甫規張奐雖累破之而寇不已復遣段熲擊之自春及秋無日不戰虜遂饑困敗散凡破西羌斬首二萬三千級獲生口數萬西羌於是弭定東羌先零等自覆沒馬賢後既降又叛帝以問熲曰狼子野心難以恩納唯當白刃加領耳計其所餘三萬餘落居近塞內久亂并涼累侵三輔西河上郡已各內徙安定北地復至單危自雲中五原西至漢陽二千餘里匈奴種羌並擅其地是為癰疽伏疹留滯脇下如不加誅轉就滋大若以騎五千步兵萬人車三千兩三冬兩夏足以破定無慮用費為錢五十四億如此可令羣寇破盡匈奴長服內徙郡縣得反本土伏計永初中諸羌反叛十有四年用二百四十億永和之末復經七年用八十餘億費耗若此猶不誅盡餘孽復起于茲作害今不暫疲人則永寧無期帝許之靈帝建寧初熲與先零諸種戰斬首八千餘及熲復追之且破且追士皆重研既到涇陽餘寇四千落悉散入漢陽山谷間時張奐上言東羌雖破餘種難盡熲性果慮輕負敗難常宜且恩降可無後悔詔書下熲熲復上言曰臣本知東羌雖眾而軟弱易制所以比陳愚慮思為永寧之算而張奐說虜強難破宜用招降云臣兵連年累見折衄又言一氣所生不可誅盡山谷廣大不可空靜臣伏念周秦之際戎狄之害中興以來羌寇最盛誅之不盡雖降復叛今先零

四東種族

卷五

十二

種累以反覆攻沒縣邑剽掠人物上天震怒假手行誅臣自勳兵眾和師克自橋關以西洛川以東金城會亭平涼等郡之地非為深險絕域之地車騎安行無應折衄案且駐軍二年不能平寇誕辭空說借而無徵何以言之昔先零作寇趙充國徙居內地前當煎醢邊馬援遷三輔始服終叛至今為梗故達識之士以為深憂今傷郡戶口單少數為羌所瘡毒而欲令降徙與之雜居是由種樹棘於良田養虺蛇於室內也故臣奉大漢之威建長久之策欲絕其本根不使能植本規三歲之費用五十四億今適周年所耗未半而餘寇殘燼將向殄滅臣每奉詔書軍不內御願卒斯言一以任臣臨時量宜不失權便 二年熲遂進營逼諸羌大敗之于焉亭山平在涼州郡界羌眾潰散本復聚射虎谷分守諸谷上下門又先令十八於西縣天水上邽縣地結竹為柵廣二十步長四十里遮之然後兵擊之窮山深谷之中處處破之斬其渠帥以下萬九十級獲畜產諸物不可勝數於是東羌悉平凡百八十戰斬三萬八千六百餘級牛馬羊驢駱駝四十二萬七千五百餘頭費用四十四億將士死者四百餘人自爰劍後子孫支分凡百五十種其九種在賜支賜支即折支河首以西及在 蜀漢徼北參狼在武都勝兵數千人其五十二種衰少不能自立分散為附落或絕滅無後或引而遠去其八十九種唯鐘最勝兵十餘萬其餘大者萬餘人小者數千人更相鈔盜盛衰無常大凡 順帝時勝兵可二十萬人發羌唐菟等絕達未嘗往來羗牛白馬羌在 蜀漢其種別名號皆不可知也中平元年北地降羌先零種及抱罕河關羣盜因黃巾大亂乃

與漢中義從胡北宮伯玉等反寇隴右致金城人邊章韓遂共殺金城太守韓懿攻燒州郡入寇三輔侵逼園陵詔遣破虜將軍董卓討羌大破之興平元年馮翊降羌反寇諸縣郭汜樊稠擊破之斬首數千級

赤亭羌

通考曰燒當七世孫填虞漢中元末寇擾西州為楊唐侯馬武所敗徙出塞虞九世孫遷那率種人內附漢朝嘉之假冠軍將軍西羌校尉歸順王處之於南安之赤亭那玄孫為魏鎮西將軍綏戎校尉西羌都督迴生仲育永嘉之亂七仲東徙榆眉自稱扶風公至子長據長安僭號

宕昌

四夷種族

卷五

十一

通典曰宕昌羌後魏時興焉亦三苗之胤

通考云西羌別種宕昌曰狼皆自稱獯獫種

與先零燒當罕升渚部姓別自立酋帥皆有地分不相統攝宕昌

即其一也有梁勤者代為酋帥得羌豪心乃自稱王其界自仇池

以西東西千里席水以南南北八百里

仇池山在今同谷郡上祿席水在今王水上即縣

地多山阜部衆二萬餘落至其孫彌念始遣使於後魏太武帝拜

為宕昌王至七葉孫彌秦皆受南北兩朝封爵

宋齊梁及魏並名彌秦之

兩魏分隔永熙末種人企定乃引吐谷渾寇金城後企定弟彌定

寇石門戍周武帝天和初詔大將軍田弘討平之以其地為宕州

今懷道郡

鄧至

通典曰鄧至羌之別種也後魏時興焉有像舒理者代為白水酋

帥因地名為號種鄧至王其地自于亭以東平武以西汶嶺以北

宕昌以南

今懷道郡之南通北郡之北交川縣翼同昌郡之地也

風土習俗與宕昌同自舒

理至十代孫舒彭附于後魏孝文帝封甘松縣子鄧至王宋文帝

及武帝時俱遣使南來修貢受其官爵後數代西魏恭帝初其主

檐術因亂來奔周文帝遣兵送還自後無聞鄧至之西有赫羊國

初其部內有一羊形甚大至鮮赤故為國名又有東亭衛大赤水

寒巖石薄陵下習蒼驪單等諸羌國俗麤獷與鄧至國不同魏

時遣使貢獻皆假以雜號將軍子男渠帥之名

党項

通典曰党項羌三苗之後在古折支之地漢西羌之別種魏晉以

降西羌微弱周滅宕昌鄧至之後党項始強南雜秦桑迷秦等羌

四夷種族

卷五

十四

北連吐谷渾其種每姓別自為部落一姓之中復分為小部落大

者萬餘騎小者數千騎不相統一有細封氏費聽氏往利氏頗起

氏野辭氏房當氏朱禽氏拓拔氏而拓跋最為強族其人多壽年

至百五六十歲其地東接臨洮西平西拒葉護南北數千里處山

谷間各別為部落大者五千餘騎小者千餘騎魏周之際數來

擾邊隋開皇五年拓跋寧叢等各率衆內附十六年復寇會州發

兵討降之自是朝貢不絕唐貞觀三年其酋細封步賴舉部降以

其地為軌州即授步賴刺史於是諸部相次內屬以其地為岷奉

巖達四州即首領拜刺史其後拓跋赤辭等又舉部降以其地為

懿嵯麟可三十二州以松州為督府擢赤辭西戎都督賜姓李貢

賊不絕於是自河首積石山而東皆為中國地後吐蕃浸盛拓跋

畏偏請內徙始詔慶州置靜邊等處之地乃入吐蕃其處者皆爲吐蕃役屬更號拜藥

至德末爲吐蕃所誘使爲鄉導寇邊俄悔悟來朝乾元間中國數亂因寇邈寧二州肅宗詔郭子儀杜冕桑如珪分二隊討之子儀至党項潰去上元年在涇隴部落十萬衆詣鳳翔節度使崔光達降二年與渾奴刺連和寇寶雞殺吏民掠財珍焚大散關入鳳州殺刺史蕭復節度使李鼎追擊走之明年又攻梁州刺史李勉走進寇奉天大掠華原同官去詔臧希讓代勉爲刺史於是歸順乾封歸義順化和寧和義保善寧定羅雲朝鳳凡十州部落詣希讓獻款巧節印詔可僕固懷恩之叛誘党項渾奴刺入寇衆數萬掠鳳翔盤屋大酋鄭廷郝德入同州刺史韋勝走節度使周智光

四夷種族

卷五

十五

破之登城閱月又入同州焚官私室廬壁馬蘭山郭子儀遣兵襲之退保三堡子儀追慕容休明諭降廷德子儀以党項吐谷渾部落散處鹽慶等州其地與吐蕃濱近易相脇即表徙靜邊州都督夏州樂容等六府党項于銀州之北夏州之東靈朔川吐谷渾住夏西以離沮之召靜邊州大首領左羽林大將軍拓跋朝光等五刺史入朝厚賜餼使還綏其部先是慶州有破丑氏族三野利氏族五把利氏族一與吐蕃姻援贊普悉王之因是擾邊凡十年子儀表工部尚書路嗣恭爲朔方留後將作少監梁進用爲押党項部悉便置行慶州且言党項陰結吐蕃爲變可遣使者招慰安其反謀因令進用爲慶州刺史嚴邏以絕吐蕃往來道代宗然之又表置靜邊芳池相與三州都督長史永平旭定清寧寧保忠順靜

塞萬吉等七州都督府於是破丑野利把利三部及思樂州刺史拓跋乞梅等皆入朝宣定州刺史折磨布落芳池州野利部並徙綏延州大曆末野利禿羅都與吐蕃叛招餘族不應子儀擊之斬禿羅都而野利景庭野利剛以其部數千人入附雞子川六州部落曰野利越詩野利龍兒野利厥律兒黃野海野寧等居慶州者號東山部夏州者號平夏部永泰後稍徙石州後爲永安將阿使那思曠賦索無極遂亡走河西元和時復置宥州護党項至大和中浸彊數寇掠然器械鈍苦畏唐兵精則以善馬購鎧善羊貿易矢鄜坊道軍糧使李石表禁商人不得以旗幟甲冑五兵入部落告者舉罪人財畀之至開成末種落愈繁富賈人齎繒寶鬻羊馬潘鎮乘其利壟市之或不得直部人怨相率爲亂至靈鹽道不通

四夷種族

卷五

十六

武宗遣使招之功不就宣宗大中四年內掠邈寧詔鳳翔李業河東李拭合節度兵討之羌乃破種竄南山後唐同光二年其首領簿香來貢良馬天成二年河西党項如連山等來朝共進馬四十疋宰相奏党項之衆競赴都下賣馬常賜食禁廷醉則連袂歌其土風凡將到馬無驚良並云上進國家雖約價值以給之而計其館給賜資不啻倍價耗蠹國用請止之上以爲國家常苦馬不足今蕃官自來中國錫賜乃朝廷常事不足言費自是蕃部羊馬不絕於路長興元年二年俱入貢授其首領以官三年以西路党項部族劫掠使臣及外域進奉詔邈寧節度使藥彥稠等率步騎七千討之誅其二十族七百餘人獲其大首領六人黨類二千人馳馬牛羊數千計周廣順二年以府州党項泥也等之族大首領爲

德將軍宋時靈夏綏麟府環慶豐州振戎天德振武軍並其族帳
建隆二年代州刺史折也埋來朝也埋党項之大姓也世居河右
有捍邊之功故授以方州召令入覲而遣還開寶元年直蕩族首
領吸咭等引并人寇府州為王師所敗招降之太平興國六年
七年府州豐州党項族首領俱來貢雅熙初諸族渠帥附李繼遷
為寇詔判四方館事田仁節及閤門使王侁等相繼領兵討擊并
賜麟府夏銀豐州及日利月利族敕書招諭之二年四月侁等於
銀州北破悉利諸族斬首三千六百餘級生擒八十人俘蕃漢老
小一千四百餘口器甲一百八十六梟偽署代州刺史折羅遇并
弟埋乞獲馬牛羊三萬計五月又於開光谷西杏子平破保寺保
杏族追奔二十餘里斬首八百餘級梟其首領埋乞已等五十七

四夷種族

卷五

十七

五十五

人生擒四十九人係其老小三百餘人獲牛羊馬驢凡四千餘計
又破保洗兩族俘三千人降五十五族獲牛羊八千計侁等麟州
及三族寨羌人二千餘族皆降蕃官折軍也等六十四人獻馬首
罪願改圖自效為國討賊遂與部下兵濁輪川斬賊首五十級酋
豪二十人李繼遷及三族寨監押折御也皆遁去命內客省使郭
守文自三交乘驛亟往與王侁等同領邊事其後侁等又破銀州
浪悉訛等族及夏州岌伽羅臚等族又招降銀麟夏等州三族寨
諸蕃一百二十五族合萬六千一百八十九戶乃賜敕書以安撫
之端拱二年夏州趙忠言準詔市馬已獲三百疋其府州御泥布
等族黨附繼遷不肯賣馬臣已領兵掩殺二百餘人擒百餘人其
族即降詔書撫諭之四年鄭文寶獻議禁青鹽蕃族四十四首領

賜錦袍銀帶茶綵以撫慰之景德元年麟府路言附契丹戎人言
泥族拔黃太尉率三百餘帳內屬拔黃本大族居黃河北古豐州
前數犯邊阻市馬之路其首領勇黠難制契丹結之署為太尉今
悉眾款塞詔府州厚賜茶綵給公田依險居之計口賦粟毋得侵
擾三年府州折堆昌言兀泥族大首領名崖從父盛佑族為趙德
明白池軍主密遣使來諭名崖云德明雖外託脩貢之名而黠閱
兵馬尤急恐必劫掠山界名崖以告上嘉之降詔撫諭就賜錦袍
銀帶十一月鎮戎軍曹瑋言叛去蕃官蘇尚娘復來歸附詔報瑋
曰尚娘反覆無信特恐但許以誤邊吏又使德明緣此為詞不可
納也自後訖天禧之末蕃族來歸朝貢者不絕每加撫慰或補官
賜器幣羈縻之恩有加焉

四夷種族

卷五

十八

五十六

白蘭

通考曰白蘭羌之別種東北接吐谷渾西至毗利摸徙南界郡鄂
風俗物產與宕昌同周武帝保定元年朝獻使至有勝兵萬人勇
於戰鬪唐武德二年使者入朝以其地為維恭二州貞觀六年與
契苾數十萬內屬永徽時特浪生羌下樓大首領東就率眾來屬
以其地為劔州龍朔後白蘭春桑及白狗羌為吐蕃所臣藉其兵
為前驅白狗與東會州接勝兵纔千人在西北者天授中內附戶
凡二十萬以其地為朝吳浮十州散居靈夏間

吐蕃

吐蕃

舊唐書曰吐蕃在長安之西八千里本漢西羌之地也其種落莫

知所出或云南京禿髮利鹿孤之後也利鹿孤有子曰樊尼及利鹿孤卒樊尼尚幼弟傳儁嗣位以樊尼爲安西將軍後魏時傳儁爲西秦乞伏熾盤所滅樊尼招集餘衆依沮渠蒙遜爲臨松太守及蒙遜滅樊尼乃率衆西奔濟黃河逾積石於羌中建國開地于里撫有羣羌遂改姓爲宰敦野以禿髮爲國號語訛謂之吐蕃新唐書曰吐蕃本西羌屬蓋百有五十種散處河湟江岷間有發羌唐旄等然未始與中國通居析支水西祖曰鶻提悉敦野健武多智稍并諸羌據其地蕃聲近故其子孫曰吐蕃而姓敦宰野或曰南京禿髮利鹿孤之後也其俗謂強雄曰贊丈夫曰普故號君長曰贊普贊普妻曰末蒙

通典曰禿髮爲伏乞所滅樊尼率餘種依沮渠蒙遜其後子孫西

四夷種族

卷五

十九

魏時爲臨松郡丞與主簿皆得衆心因魏末中華擾亂招撫羣羌曰以強大遂改姓爲宰敦野故其人號曰主曰贊府貴臣曰主簿又或云始祖贊普自言天神所生號鶻提悉補野因爲姓宰敦野與

悉補野言兆其實一也或云本姓韋蘇晨地

其國出都城五百里過鳥海入吐谷渾部落彌多彌蘇毗及白蘭等國至吐蕃界贊普居跋布川或邏娑川

其後有君長曰瘞摩摩生陀土度陀土生揭利失若揭利生勃美若勃美生詔素生論贊素論贊生素宗美贊亦名棄蘇農亦號弟夜氏其爲人慷慨才雄西域諸國共臣之始論贊素都泮牂西雄霸西域至美贊時已五十矣國界西南與婆羅門接自唐初有勝兵數十萬號爲疆國貞觀八年始遣使者來朝又聞突厥吐谷渾並得尚公主乃遣使齋幣求昏貞觀十五年以宗室女爲

公主降之高宗初封西海郡王進封寶王蘇農歿其子早卒以孫代立號乞黎拔布勿不事大相祿東贊攝知國事總章中舉兵滅吐谷渾有其地東贊歿有子欽陵等五人復專其國儀鳳四年贊普卒子器弩悉美立欽陵兄弟皆有才略欽陵常居中制事諸弟分鎮方而諸蕃憚之器弩悉美既長欲自得國漸不平乃與大臣論嚴等圖去之欽陵自殺其弟贊婆先專東境者幾三十年率衆內附封歸德郡王其兄子莽布支封安國公領兵戍河源贊普乃獻馬黃金求婚而其南屬帳皆叛贊普自討於軍諸子爭立國人立棄隸踊贊爲贊普始七歲使者來告哀且求盟又使大臣求昏未報進兵攻蜀漢中宗景龍二年還其婚明年遣使入貢又請昏中宗以雍王守禮女爲金城公主妻之遂請河西九曲爲公主

四夷種族

卷五

二十

湯沐詔許之自是益張天寶十四載贊普乞黎蘇籠臘贊歿子寧悉籠臘贊嗣遣使修好安史之亂乘隙暴掠德宗時乞立贊爲贊普姓戶盧提氏其大臣尚結贊等頻歲入寇貞元十二年尚結贊歿明年贊普歿其子足之煎立二十年外其弟嗣立比年以貢元和十二年死子可黎可足立爲贊普幾三十年病不事委任大臣故不能抗中國邊候晏然太和五年死以弟達磨嗣達磨嗜酒好畋獵喜內且凶悖少恩政益亂會昌三年歿無子以妃絳凡尚延子乞離胡爲贊普始三歲妃共治其國大相結都那見乞離胡不肯拜曰贊普支屬尚多何至立絳氏子邪哭而出用事者共殺之別將尚恐熱爲落門川討擊使姓求名農力熟猶中國號郎也帥衆與宰相尚思羅戰敗之保洮河自守國人以贊普立非是皆叛

四夷種族

卷五

王

去恐熱自號宰相以兵攻鄯州尚婢婢走甘州恐熱大掠郡屬
 蕭伊西等州所過殺戮靡一咸怨欲圖之乃保渭州求冊爲替
 奉表歸唐宣宗遣兵迎援恐熱既至僞夸自大且求河渭節度使
 帝不許復趨落門川將寇邊會久雨糧絕還奔鄯州於是鳳翔涇
 原靈武邠寧四節度使復取原州安樂州秦州并石門等六關明
 年沙州首領張義潮奉瓜沙伊肅甘等十一州地圖以獻其後吐
 蕃河渭州將尚延心以國破亡亦獻款秦州刺史高駢誘降延心
 及渾末部萬帳遂收二州以延心爲河渭州都將僕固俊收鄯州
 城擊斬遊奕使咸通二年義潮奉涼州來歸七年北庭回鶻僕固
 俊擊取西州收諸部鄯州城與尚恐熱戰破之斬恐熱首傳京師
 八年張義潮入朝爲右神武統軍賜第及田族子惟深守歸義十

三年辛沙州以長史曹義金領州務遂授歸義節度後中原多故
 王命不及甘州爲回鶻所并歸義諸城多沒

渾末亦曰溫末吐蕃奴部也恐熱之亂嘯合數千人以溫末自號
 居甘肅瓜沙河渭岷廓疊宕間唐末中原多故瓜沙之地復爲所
 隔然吐蕃自是衰弱族種分散大者數千家小者百十家無復統
 一矣自儀渭涇原環度及鎮戎秦州暨於靈夏皆有之各有首領
 內屬者謂之熟戶餘謂之生戶涼州雖爲所隔然其地日置牧守
 或請命於中朝

梁開平二年遣使朝貢官其首領後唐天成二年遣使者野利延
 孫等人貢并番僧四人持蕃書二封人莫識其字其後權知西涼
 府留後孫超遣大將拓跋承誨來貢明宗召見承誨云涼州東距

四夷種族

卷五

王

靈武千里西北至甘州五百里舊有鄯人二千五百爲之
 巢之亂遂爲阻絕今城中空戶百餘皆戍兵之子孫衣服言
 如漢人又言涼州郭外數十里尚有漢民陷沒者耕作餘皆吐蕃
 詔授超涼州刺史河西軍節度使留後漢乾祐初超率州人推其
 土人折通嘉施權知留後遣使來貢即以嘉施代超爲留後周廣
 順二年始以申師厚爲河西節度師厚初至涼州奏授吐蕃首領
 折通支等官從之顯德中師厚爲其所迫擅還朝坐貶涼州亦不
 復命師厚建隆二年靈武五蕃以驍駝良馬致貢來離等八族蕃
 越寬護送入界勅書獎諭又賜秦州首領尚波于錦袍銀帶尚波
 于感悅是年收獻伏羌地乾德四年知西涼州折通葛皮上言有
 回鶻二百餘人漢僧六十餘人自朔方路來爲部落劫掠僧云欲
 往天竺取經並送達甘州詔優答之八年秦州大石小石族寇
 土門掠居民知州張炳擊走之太平興國二年秦州諸族數入寇
 俱擊敗之斬首數十級下詔戒勵之八年諸種以馬來獻召其酋
 長對崇政殿厚加慰撫賜以束帛九年秦州言蕃部以羊馬來獻
 詔以茶綵答其直淳化元年秦州大小馬家族獻地內附至道元
 年七月西涼府押蕃落副使折通喻龍波上言蕃部頻爲繼遷侵
 掠乃與吐蕃都部署沒臨洩于會六谷蕃衆來朝且獻名馬上厚
 賜之是歲涼州復來請帥詔以丁惟清知州事賜以牌印咸平元
 年十一月河西軍左廂副使歸德將軍折通游龍鉢來朝龍鉢四
 世受命爲酋雖貢方物未嘗自行今始至獻馬二千餘匹河西軍
 卽古涼州東至故原州于五百里南至雪山土谷渾蘭州界三百

五十里西至甘州同城界六百里北至部落三百里周回平州二千里舊領姑臧神烏蕃永昌松嘉麟五縣戶二萬五千六百九十三口十二萬八千一百九十二今有漢民三百戶城周回五十里如鳳形相傳李軌舊治也皆龍鉢自述云詔以龍鉢爲安遠大將軍三年以儀州延蒙八部都首領渴哥領化州刺史首領逋通等爲懷化郎將四年知鎮戎軍李繼和言西涼府六谷都首領潘羅支願戮力討繼遷請授以刺史仍給廩祿羅支貢馬五千疋詔厚給馬價別賜茶絲六年原渭蕃部三十二族納質來歸羅支又遣蕃官吳福勝臈來貢表言感朝廷恩信憤繼遷倔強已集騎兵六萬乞會王師收復靈州乃以羅支爲朔方軍節度靈州西面都巡檢使賜以鎧甲器幣又以吳福勝臈爲定遠將軍次首領兀佐等

四夷種族

卷五

五

七人爲懷化將軍羅支屢請王師助擊賊議者以西涼去渭州限河路遠不可預約師期上曰繼遷常在地中三山之東每來寇邊及官軍出則已遁去使六谷部族近塞得禦與官軍合勢亦國家之利降詔許之六月知渭州曹瑋言隴山西延蒙族首領充逋等納馬立誓乞隨王師討賊以漢法治蕃部瑋稱其忠詔授本族軍主八月者龍族首領來貢名馬上嘉其嘗與潘羅支協力抗賊令優待之其年十一月繼遷攻西蕃遂入西涼府知州丁惟清陷沒羅支僞降未幾集六谷諸豪及者龍族合擊繼遷大敗中流矢歿景德元年二月羅支遣其甥廝陀完來獻捷六月又遣其兄邦通支入奏且欲更率部族及回鶻精兵直抵賀蘭山討除殘孽願發大軍援助卽詔涇原部署陳興等俟羅支已發兵馬率眾鼓行赴

石門策應邦通支又言前賜羅支牌印官誥衣服器械爲遷賊劫掠有詔別給羅支又言修洪元大雲寺詔賜金箔物綵先是繼遷種落迷般屬及日連吉羅丹二族以歸者龍族而欲陰圖羅支是月會遷黨攻者龍羅支率百餘騎急赴將議合擊遂爲二族戕於帳詔贈羅支武威郡王遣使贈卹其家諸豪議立羅支弟廝鐸督爲首領詔授鐸督靈州防禦使靈州西面沿邊都大巡檢使上以遷黨未平藉其腹背攻刺遂加鐸督朔方軍節度押蕃落等使右隰州言河西諸蕃四十五族內附其年遷黨寇永寧寨爲藥令族合蘇擊敗之斬首百餘級三年廝鐸督遣使入貢仍上與趙德明戰關功狀詔嘉獎之加檢校太傅渭州言妙娥延家熟魏等族率三千餘帳萬七千餘口及羊馬數萬款塞內附詔遣使撫勞之賜

四夷種族

卷五

五

以袍帶茶絲仍以折平族首領撒通渴爲順州刺史克本族都軍主是年宗家當崇宗章迷族來貢移通擦父族歸附九月詔釋西面納質戎人先是諸蕃有鈔劫爲惡嘗經和斷者恐其時復叛故收其子弟爲質乃有禁錮終身者上憫而縱之族帳感恩皆稽首誓不爲邊患四年邊臣言趙德明謀劫西涼襲回鶻上以六谷甘州久推忠順思撫寧之乃遣使諭廝鐸督令援接回鶻爲備并賜鐸督茶藥襲衣金帶及部落物有差鐸督奉表謝七年知秦州張佖置大路門新寨先是佖欲近渭置柵木場蕃族聞之卽徙帳去佖不能遂撫之戎人輒悔因鄉導鈔劫佖深入掩擊悉敗走至是求和佖不許時宗哥立遵喃廝囉溫通哥等帳族甚盛勝兵六七萬與趙德明抗敵希望朝廷恩命佖奏請拒絕涇原鈐轄曹瑋又言

宜厚唃廝囉以扼德明八年會廝囉遣使來貢詔賜錦袍金帶器幣供帳什物茶藥有差凡中金七千兩他物稱是其年唃廝囉宗哥文法聚眾數十萬請討平夏以自効上以爲戒人多詐慮緩急侵寇及擾熟戶卽命周文質監涇原軍曹瑋知秦州兼兩路沿邊安撫使以備之宗哥城東南至永寧寨九百一十五里東北至西涼府五百里西北至甘州五百里東至蘭州三百里南至河州四百一十五里又東至龕谷五百五十里又西南至青海四百里又東至新渭州千八百九十里九年廝囉立遵等獻馬五百八十二疋詔賜幣總萬二千計以答之是年以宗哥族李遵爲保順軍節度

唃廝囉者贊普之後本名坎南陵溫錢連錢連猶贊普也羌語訛

西夷種族

卷五

五

爲錢連生于高昌磨榆國旣十二歲河州羌河郎業賢客高昌見廝囉貌奇偉挈以歸置剗心城而大姓聳昌斯均又以廝囉居移公城欲于河州立文法河州人謂佛爲唃謂兒子爲廝囉自此名唃廝囉於是宗哥僧李立遵邈川大酋溫逋哥略取廝囉如郭州尊立之部族寢強乃徙居宗哥城立遵爲論逋佐之論逋者相也李立遵或曰李遵又曰郅成甚有威名而性貪念喜殺戮國人不附屢表求贊普朝廷以爲贊普戎王也遵臣廝囉不應爰授乃用廝鐸恩例焉朝貢不絕其後舉兵與曹瑋戰三都谷不勝又襲西涼爲所敗廝囉遂與立遵不協更徙邈川以溫逋奇爲論逋數使人至秦州求內屬明道初卽授廝囉寧遠大將軍愛州團練使授逋奇歸化將軍已而逋奇爲亂囚廝囉置笄中出收不附已者守

奔人間出之廝囉集兵殺逋奇徙居唐景祐中以廝囉爲保順軍節度觀察留後時元昊始強侵掠河湟廝囉數以奇計敵元昊元昊遂不敢窺其境及元昊取西涼府潘羅支舊部往往歸廝囉元昊反廝囉助朝廷討之然終不能有大功後累加恩兼保順河西節度使洮涼兩州刺史又加階勛檢校官功臣食邑嘉祐三年捺羅部阿作等叛廝囉歸諒祚乘此引兵攻掠境上廝囉與戰敗之因降隴逋立公馬波三大族會契丹遣使送女妻其少子董璘乃罷兵歸治平二年夏羌邈奔及阿叔溪心以隴珠阿諾三城叛諒祚歸廝囉廝囉不禮乃復歸諒祚請兵還取所獻地諒祚以兵隨之不能克但取邈川歸丁家五百餘帳而還廝囉其年十月三日卒年六十九

西夷種族

卷五

五

董璘母曰喬氏廝囉三妻喬氏有色居歷精城所部可六七萬人號令明人憚服之方董璘少時擇酋長子年與董璘相若者與之遊衣服飲食如一以此能附其衆董璘自九歲廝囉爲請乎朝命爲會州刺史而喬氏封太原郡君其二妻李立遵女也生璘璘及磨璘角立遵外李氏寵養斥爲尼置郭州錮其子璘璘磨璘角結母黨李巴全竊載其母奔宗哥廝囉不能制磨璘角因撫有其衆李氏以寶元二年恩賜紫衣磨璘角亦累奉貢初嚴州團練使後以思州團練使卒所部立其子瞎撒欺丁李氏懼孤弱不能守乃獻皮帛入庫廩文籍于廝囉廝囉因受之嘉祐三年命欺丁爲順州刺史瞎璘居龕谷屢通貢授澄州團練使先卒子木征不能自立青羅族因瞎藥雞及僧鹿遵迎居洮州欲立以服洮岷諸羌

秦州以其近邊逐之乃還河州後徙安江城董種雖羈屬之不能
有也母弟暗吳叱居銀川董家山至和二年補本族副軍主於是
明氏地分爲三董種居青唐最彊獨有河北之地其國大抵吐蕃
遺俗也董種初襲爲保順軍節度使封常樂郡公神宗時累加檢
校太傅改西平節度使進封武威郡王神宗每稱其上書情辭忠
智雖中國士大夫存心公家者不過如此知邈川事力固不足與
夏人抗但欲解散其謀使不與結和而已故終不能大有功哲宗
立加檢校太尉元祐元年卒子蘭逋叱已死養子阿里骨嗣阿里
骨本于闐人少從其母給事董種故養爲子元豐蘭州之戰最有
功自肅州團練使進防禦使董種病革召諸酋領至青唐謂曰吾
一子已死惟阿里骨母嘗事我我視之如子今將以種落付之何

四夷種族

卷五

七

如諸酋聽命既嗣事遣使修貢元祐元年以起復冠軍大將軍檢
校司空爲河西軍節度使封寧塞郡公里骨頗峻刑殺其下不遑
寧詔飭以權廣恩信副朝廷所以封立前人所以付與之意二年
遂逼鬼章使衆拒洮州鬼章就擒里骨奉表謝罪詔許貢奉如
故加檢校太保以其子邦彪錢爲鄯州防禦使元祐三年里骨死
邦彪錢嗣

贈征卽邦彪錢也以紹聖四年正月爲河西軍節度使檢校司空
寧塞郡公性嗜殺部曲賒貳大酋心半欽種之屬有異志忌贈征
季父蘇南黨征雄勇多智共証其謀逆贈征不能容而殺之盡誅
其黨獨錢羅結奔溪巴溫溪巴溫者董種疎族也自阿里骨之
立去依隴逋部河南諸羌多歸之錢羅結奉溪巴溫長子利梭處

溪哥城將征討殺杓梭錢羅結奔河州說王瞻以取青唐之策已
而溪巴溫入溪哥城自稱王子元符二年七月瞻取邈川八月瞻
征自青唐脫身來降欽迎溪巴溫入青唐立木征之子隴梭爲
主九月瞻軍至青唐龍梭出降詔以邈川爲湟州青唐爲鄯州二
酋雖降然其種人本無歸漢意者謂今不先脩邈川以東城障
而遽取青唐非計也以今日觀之有旦夕必叛邈川以東城障
與青唐城中人相結謀復奪城山南諸羌亦叛瞻遣將破之戮結
呢覲及欽氈等 人青唐圍解而邈川益急夏人十萬助之總管
土慈以死戰固守乃得免瞻棄青唐歸巴溫與其子溪賒羅撒
之朝諭請并棄邈川且謂董種無後隴梭乃木征之子明所囑嫡
曾孫最爲親的於是以隴梭爲河西軍節度使知鄯州封武威郡

四夷種族

卷五

七

公充西蕃都護依府州折氏世世承襲尋賜姓名曰趙懷德其弟
邦辟勿丁哌曰懷義爲鄯州團練使同知湟州加贈征檢校太傅
懷達軍節度使三年三月懷德入見徽宗命輔臣呼懷德與語問
何以招致溪巴溫對曰譬如乳牛繫其子卽母須來繫其母卽子
須來至岷州當遣人往諭使之歸漢遂與瞻征俱還湟州溪賒羅
散謀襲殺懷德懷德奔河南瞻征不自安求內徙詔居鄯州崇寧
元年卒三年王厚復湟郡懷德至京師拜感德軍節度使封安化
郡王

趙思恩卽瞻氈之子木征也嘉祐中爲河州刺史其後河州武勝
軍諸族浸驕易子闕諸國朝貢詔邊將問罪會王韶經略熙河招
納蕃部遣僧知綠往說之因隨以兵前後殺其老弱數千焚帳族